



**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

6. De Magnitudine gloriæ corporis eius glorificati.

[urn:nbn:de:hbz:466:1-60091](#)

concentium, cœlorum Regina ærem, celosq; transcendens in altissimo cœli empyrei locum. ante SS. Triados solium deducta, ad dexteram Filij collocata, super omnes Angelorum choros exaltata sit: quanta submissione ante thronum Dei prostrata, tantum infinitæ Dei erga se benignitatis excessum venerabunda suspexerit, & magnificarit, atque in Deo suo, non in se exultarit, consuetos sibi affectus humilitatis, gratitudinis, amoris æternum continuatura. Congratulatio, eorundem affectionum captici Magnificat pia frequentatio.

VI. *De Magnitudine gloriae corporis eius glorificati.*

I. **E**xpende quam inestimabilis fuerit illius glorioſſimo corpori collata gloria & beatitudo, tum quoad dotes corporum glorificatorum, quæ sunt: Clariſtas, impatibilitas, subtilitas, agilitas, in eminentissimo gradu illi communicatas; Tum quoad singulorum sensuum oblationes in simili eminentissimo gradu eidē concessas, cuius gloriæ magnitudo aliquando estimari potest. Ex magnitudine gloriæ beatæ eius animæ in cor-

pus redundantis. 2. Ex summa eiusdem corporis, nulla vñquam peccati labecula aspersi, puritate, & plusquam Angelica innocentia. 3. Ex sanctissimo omnium sensuum & membrorum vsu secundum diuinum beneplacitum, tota vita, absque vlla imperfectione, continuato. 4. Ex ineffabili eiusdem corporis, ex quo Filius Dei carnem assumere dignatus est, dignitate. Congratulatio, gratiarum actio pro tanta virginei corporis virginex Matris gloria.

II. Quomodo eam in vita promerue-
rit: 1. Assiduo feruentiq; studio non
solum Angelicam puritatem illibatam
conseruandi, sed etiam in dies & ho-
ras in eximia perfectione proficiendi,
neque id solum crebrius pia maioris
profectus desideria renouando, sed et-
iam necessaria media sollicitè strenue-
que adhibendo. 2. Iugi exercitio in-
ternæ externæque mortificationis,
nunquā propriæ sensualitatis, volan-
tatis, & iudicij instinctum, sed semper
in omnibus diuinæ voluntatis ductū
sequendo. 3. Ardua quæque amore
Dei promptissimè faciendo & patien-
do, & multo plura & magis ardua fa-
cere & pati desiderando, cum insatia-

Zz

bili

bili desiderio perfectissimè diuina
Maiestati propter se, semper & in om-
nibus gratificandi, eiusque gloriam
promouendi. Zelus in his eam amu-
landi.

III. Quàm attoniti hanc ineffabilen-
glorificati corporis eius pulchritudi-
nem admirati fuerint, æternumque
admiraturi sunt omnes incolæ cœlo-
stis Ierusalem, quàm mirificè splen-
dre eius coruscantem cernunt: quamq;
incredibile gaudium ex beato illius
conspectu consortioq; participarint,
æternumque participaturi sint, mar-
meque illi, qui in hac vita eam devo-
tius coluerint, tenerius amarint, stu-
diosiusq; imitari contendent. Con-
gratulatio, spes felici eius aspectu ip-
cœlis fruendi, desideriumq; eam per-
fectius colendi, amandi, imitandi.

VII. *De varijs coronis, & laureolis Regis
cælorum à SS. Trinitate
impositis.*

I. *E*xpende quomodo B. Virgo non
solum fuerit eleuata super noué
choros Angelorum ad dexteram Filii,
iuxta illud: *Astitit Regina à dexteris ihu*
in uestitu deaurato, circumdata varietate
Sed

Psal. 44.